

四庫禁燬書叢刊編纂委員會

北京出版社

四庫禁燬書叢刊

集部第三三冊目次

豐草菴詩集十一卷前集六卷後集二卷寶雲詩集七卷

禪樂府一卷

〔明〕董說撰

民國吳興劉氏嘉業堂刻吳興叢書本

.....一

臥龍山人集十四卷

〔清〕葛芝撰

清康熙九年自刻本

.....二八一

雪堂先生集選十一卷

〔清〕熊文舉撰

清順治刻本

.....四八一

豐草菴詩集十一卷前集六卷後集二
卷寶雲詩集七卷禪樂府一卷

〔明〕董說撰

民國吳興劉氏嘉業堂刻

吳興叢書本

北京大學圖書館藏

二十方齋
詩文集
卷之雨

吳興劉氏
嘉業堂刊

豐草菴詩集自序

七月甲寅作焚研誓辭丙辰燒雜文丁巳理篋中舊書
已未授兒古樂府發學道十年不到古人大休歇地非
獨神骨儒亦筆墨累之也因發憤夜登曉寒樓慟哭古
佛之前作焚研誓辭其文曰稽首大覺尊玄潛不蚤背
塵棲玄宅靜綺語自障今日已後永絕文字鏤骨銘心
盡未來際不斷綺語崇高苦因不斷綺語道岸不登不
斷綺語離叛佛心故越二日而燒雜文矣余年十六七
輒喜手評古人之書評後輒悔悔輒更評更評復悔悔
輒欲自焚乃不果焚也今已志在青糲布襪因掩戶啟
篋縱陳癸未已前手評諸書凡數百卷悉焚之是日誤

豐詩一 自序

焚乙酉雜文一卷丙戌悲憤詩一卷其明日兒樵等集
豐草菴長跪號泣曰大人何至是大人以求古出世聖
人之道棄家遠遊小子何知豈敢以口舌爭也然大人
平生欲身扶六經之墜日痛心風雅衰危也幸大人爲
圖書緩行余呼兒前曰止我墮文字因緣幾三十年今
復以未焚殘藁留是重自墮也樵未復泣曰大人縱未
能改新誓濡牘長吟也聊集舊文布人聞乎則樵等死
而更生余歎曰我病不能斷文字緣斷人閒緣矣我安
能詰曲從人閒世流布詩文也我少未嘗爲詩爲古文
辭爲古文辭不一年二年輒自媿且悔悔輒欲自焚一
焚于癸未之冬焚庚辰已前之文無遺也再焚于丙戌

豐詩一 自序

之秋焚辛壬雜著及十餘年應制之文無遺也又甲申
乙酉詩歌一編誤以爲應制文俱焚焉丙申焚書則余
之三焚書也乙酉文丙戌詩之誤焚則余之再誤焚也
遺文銷落意不存矣我故舊半死生矣我愁坐一室中
絕往來尺牘十年矣世漸無知我者知我者一二人投
以詩惟涕泣讀而藏之不敢答矣情之不能忘也往來
于懷或中夜挑鐙私擬酬和之詩詩成又涕泣反覆長
吟而藏之亦不復寄矣集中贈答非仲文初孝章諸詩
是也今世之詩傳人閒者無此例也且我不能如世之
詩珠聯璧合三唐也不能如世之詩赫然假聲光
於賢豪長者也不能如世之詩鬼言無帶沈墮秋煙也
就情于方外合社于漁樵遊夢于山經孤癖于香法古
人我不敢擬今人我不能以爲侶今世之詩傳人閒者
亦無此例也樵未曰傳詩文非以例也敢請余曰汝於
詩文癖矣今不示汝汝謂我自匿於是出篋中未焚書
紙亂編繁大索一日得庚辰已後雜文丙戌已後詩歌
各十餘編手授樵等越一日復呼樵未來前授古樂府
發未成之書一編謂曰我今年二月於律呂經緯邈然
遠想得風騷情性之至讀古樂府如縱轡天衢也自我
作古樂府發則不復作韻語蓋復自悔其詩矣

豐草菴詩集總目

人間可哀編

丙戌

丁亥

戊子

采杉編

庚寅

落葉編

庚寅

西臺編

辛卯

病孔雀編

辛卯

壬辰

紅蕉編

癸巳

登峰編

甲午

臨蘭亭編

乙未

雒陽編

乙未

洞庭雨編

乙未

鬪韻牌編

乙未

丙申

豐草菴詩集卷一目錄

人間可哀編

人間可哀曲 憶昔 怨鶴行 白鶴怨 遙

題巢居 華山畿 讀曲歌 估客樂 子夜

歌 采菱曲 詠美人禮佛 采桑女 詠殘

燈 雜詩 染爪 詠香煙二絕 紅樓怨

門有車馬客 贈鄰居和唐人 芳樹 宛轉

歌 秋日幽居寄友人 得既方書 夢華詞

聽雨詞 夢鄉詞 無端語 寄友人 題

昭君圖 簪花美人圖 嚴生書來寄余新夢

故紙中忽見余八歲時手書梵冊因讀先人

豐詩 一人間可哀編目 一

示語感而成詠 夢至亂山深處清谿一曲夾

岸繁花人曰此紫谿也 秋日買武夷山志

夢大雪中行匡廬山頂 采蓮歸 錢王孫

漫歌 雨後 賁子詩 紀夢遊 暑夜

憶鹿山草堂 雁字 秋日夢卜何 題豐

草菴

豐草菴詩集卷一

人間可哀編

人間可哀曲 丙戌

四座且勿喧聽我歌人間未及言淚下何翩翩高

城鬱嵯峨青樓大道邊浮雲連馬影蹀躞桃花天露濯

通犀劍日昭珊瑚鞭飛聲震京雒結客到幽燕狹斜歸

騎擁雷轂音圓闌入門春樹合美女妖且妍尋芳同入

柳鑑影並窺川新眉圖五嶽蛾髻寫飛僊烏棲曲未罷

垂手舞纏絲酷烈沈榆屑芳芬芍藥煎纖翠紋簾皎流

黃珍簞鮮合情復送豔宛轉華鐙前重來不知處草木

空蒼然為君吹玉笛長詠招魂篇

豐詩 一人間可哀編 一嘉業堂校刊

憶昔

憶昔鹿山中嘯讀樵人室鑿牖延危巒翦竹導新術日

隱遙松翠雨至眾山失值僕喧奇雲穉子搜野栗幽巖

富藥苗草樹自儔匹父老四五人昏且來問疾濁醪不

足勉聊與論遺逸

怨鶴行

客有南州生少年遠遊不得意流寓西吳聞

醉甚對鶴語忽忽忽忽忽忽忽忽忽忽忽忽忽忽忽

為問人語云君不如歸去矣死矣魂魄渡江

其事為作怨鶴行復成白鶴怨二絕

白鶴復白鶴獨立兀如醉驅汝汝不飛那作仙人驥

不鳴亦不舞斜陽傍行子低頭語白鶴惆悵儂如爾

解

白鶴長鳴行客沾裳白鶴淚垂一何琅琅鶴鳴尚自可
鶴淚愁殺我 二解

呼耶來前念耶愁苦儂不慕封侯願君還故字欲知腸
斷絕衣上錢塘雨 四解

夜逐巫山雲搖蕩五湖裏天風知妾恨吹渡蘋洲水
五解

白鶴怨

幾回夢裏度金微此夜蘋洲喚客歸與君化作鴛鴦鳥
越水吳山只共飛
怨鶴嘯痕染客衣愁魂歷歷是耶非從今添入相思譜
不羨當年老令威

遙題巢居

豐詩一 人閒可哀編 二

崎嶇從夙慕夢訪巢居子俯視青鴻濛深竹隔漁市長
嘯五湖聞鉤簾千嶺峙觴飛宿鳥外基落白雲裏何當
謝人賓領鶴同巢此

華山畿

華山畿黃河日夜流儂情無斷時蓮峰五千仞蓮子若
爲知 一解

華山畿誰能長相思月明松柏路夜夜見題碑
二解

華山畿懊惱芙蓉渚秋草語秋風銷落只爲汝
三解

讀曲歌

歡是嶺上雲朝往暮來過斜陽殘雨儂處獨晴多
一解
皎皎三五夜日月遙相語千秋只望汝
二解

東風莫愁儂好向耶邊吹路旁折楊柳春日正長絲
三解
估客樂

鳥嘯江月落遙村隔煙嶼天寒津鼓澀行人霧中語
送歡楊柳灣帆轉不知處不及嶺頭雲隨歡千里去

子夜歌

輕風拂華林宛轉環珮聲莫將團扇至憎殺合歡名
一解
鏡焰歡容顏歡去空持鏡連喚歡復歡鏡中不會應
二解
郎在回雁峰飛書寄南浦擣藥染黃牋無處不辛苦
三解
儂家東海頭愁殺西風棗郎腰白羽箭不思刀環好
四解

采菱曲

江南日暮涼雲凝遊女盪舟歌采菱鬢學秋煙嬌不理
豐詩一 人閒可哀編 三

波文羅綺光峻嶒蓮葉東邊畫橈澀渚平浪淺蜻蜓立
絲牽並蒂歌聲短葉摘連枝淚痕溼蘋岸風微珠翠香
影落澄江空斷腸焰見金釵雙孔雀可憐錦帶兩鴛鴦
宛轉中流弄權遲柳塘野雀傍人飛落花狼藉無消息
直唱菱歌更不歸

詠美人禮佛

環珮鳴清夜心空翡翠樓手垂分舞意聲緩落歌愁
斷風吹帶香殘雁報秋浣紗人悟妄豔色若爲留
宋之
詩上

采桑女

南鄰女伴至邀踐采桑期開簾拂明鏡且復治容儀花

簪鬟更理衣薰著故遲出門貪焰影還向水中窺

詠殘鐙

黯黯愁眉聚沈沈清夜徂霜天聞別雁楊柳正棲鳥某子敲還倦博山煙又無遙知玉門外邊月焰人孤

雜詩

枯葉鳴園林繁霜炤庭宇攬衣起躑躅憂來浩無主噉噉南雁翔沈沈戍樓鼓延頸發長歎遠岫青可數高臺知悲風秋草識寒雨不逢遙夜愁安知別離苦

染爪

秋風來幾日安得擣衣砧爲敲金鳳花共立梧桐陰色憎脣朱淡影射晴霞深明朝寫眉角紅日透青岑

豐詩一 人間可哀編 四

詠香煙二絕

修竹娟娟月色新獨教鑪氣伴愁人那堪落葉秋風度吹作陽臺一段雲
秦樓曲斷夜偏長愁殺寒衣空自香最是篆煙知妾恨盤旋畫出九迴腸

紅樓怨

紅樓窈窕垂楊裏白玉鈎簾瞰江水錦石牀鋪玳瑁文流蘇帳挂葡萄紫樓中姊妹嬌芙蓉春風倦繡雙羅敷鏡裏蛾眉嘗對畫袖中纖爪正相如檀槽共撥烏孫調象口同鉤金錯書秦淮花滿紫驕騎白哲王孫箭插腰挾彈翩翩桃葉渡垂鞭兩雨亦欄橋誰家纖麗多輕薄

清歌暗結烏棲約鐙前贈姊合歡襦趙家女弟甘寥落從此蘭膏炤獨眠博山縹緲鳴鴉煙江南誰解傷心曲一代紅顏空自憐

門有車馬客

門有車馬客踰闕青松邊寶劍搖秋水高冠切雲煙夾轂雙童子被髮光婢娟耿介發英論汎濫桃花泉呼兒前致辭主人非盛年庭中有枯樹相對日卷然壁上何所有銅鉢封苔錢牀頭何所有綠字仙人篇何以滌煩紆太古琴無絃何以託靈韻夢寐通幽玄復有高僧影鷲骨霜華顛焚香夜稽首結志芙蓉天壯圖長已矣上客空留連

豐詩一 人間可哀編 五

贈鄰居和唐人

田園晨夕並無復別離情得句喜相報看山約共行柳渠交釣影雨閣合棋聲總是迷人客寧煩問姓名

芳樹

芳樹煙華繞春深碧玉家紫驕嘶落日羌笛怨殘霞翠霧添池綠涼風拂鬢斜琅玕不足贈惆悵摘餘花

宛轉歌

秋氣清寒盤夜復鳴江澄月皎愁心并非子之故誰爲繁歌宛轉宛轉聲正悲願爲芙蓉鏡含景對光儀睇行雲解佩復殷勤鏡前羅袖光氛氲歡樂未極哀情紛歎宛轉宛轉涕無窮願爲黃金徽徘徊君掌中

秋日幽居寄友人

草色招人綠開簾風滿樓家貧書亦借谿冷樹先秋竹
杖高僧寄名山詩卷收近來廬嶽夢夜夜共君遊

得既方書丁亥

文章政道似相如寥落真成揚子居病榻三年懷舊夢
樵人五月寄君書只今野服堪投老何處青山對結廬
記得渡頭離別恨蹇驢落日共躊躇

夢華祠

夢華潭口聽客話嘉隆
開大內舊事韻語記之

月華門外轉靈旂夜銀盤碧藕肥祠罷天孫桐葉落
君王新賜鵲橋衣

豐詩一人間可哀編

六

江南風景藥王灣霧縠單衣綠玉環紅芍花邊基局罷
自裁團扇畫秋山

蒲萄半醉出仙臺萬歲山前獵陣開千騎蒙茸貂鼠帽
石橋飛雪帶狼回

柏葉千門苑柳青西宮簫鼓雨中聽桃箋不寫迎春版
翦作鴛鴦貼翠屏

一封紅篆奏神芝翠輦朝巡玉螭池雲髻三千齊墮馬

高玄殿下讀靈碑
水殿無聲玉漏遲宮奴掃徑髮如絲不須宛轉看紅葉

自入霜秋嬾賦詩

西苑秋風太液濤菊花初綻鳳羅袍牙牌走馬傳宮帖

旋磨峰頭賚玉醪

宮門過盡絳紗車環碧池清殿影斜拾得水精雙彈子
黃鸝聲隔海棠花

繡巷春深勝隔凡晴雲寂寞度花巖夜來夢到承光殿
銀燭高烧焰舞彩

蝴蝶珍榮出御廚秋聲夜繞護城湖竹簾涼月澄如水
緇得秦樓跨鳳圖

聽雨詞

薜荔牆邊布穀鳴玉蘭樹底藥苗生雨中事事隨人意
莫遣東風便放晴

門無剝啄病全蘇管領煙雲柳數株人間誰似王摩詰
豐詩一人間可哀編 七

要畫西窗聽雨圖

竹闌千外柳絲斜滴瀝頻摧欲落花愛聽雨聲真是癖
米家石子陸家茶

薜薇架畔纖斜文竹裏茶煙半惹雲殷勤寄語窗前雨
一瓣清香專爲君

鳴婦聲中急雨催水簾一片隔塵埃夢遊曾到香鑪頂
借得廬山瀑布來

夢鄉詞

台眼何曾足病夫穿雲屐子不教扶春來五嶽都遊遍
笑殺宗家壁上圖

人間底事覺封侯夢國消搖也破愁枕中一帙名山志

揀得仙巖次第遊

客到柴關正夕陽相逢莫說少年場西窗對展流黃簪
聊復同君夢石梁

無端語

竹杖芒屨野外裝蠹書一束壓藜牀此身便合爲僧未
閒折黃花問法王

浮雲東望益富中篋裏兩書墨尙新眼前今日誰知我
泉路他年有故人

落葉鏘鏘覆綠苔野人長嘯讀書臺湘簾夜半呼兒卷
明月還教人室來

烏嘯葉落夜偏長江北江南枉斷腸夢裏幾回尋寺去

豐詩一 人閒可哀編 八

亂山無路草茫茫

寄友人

處處桃花春可憐一牀書傍藥鑪邊門前風景君知否
楊柳深維問病船

題昭君圖

天寒抱馬出邊頭袖拂胡霜雲正愁空有幽魂託明月
年年長炤漢宮秋

簪花美人圖

墮馬新鬟髮半垂海棠片片溼胭脂簪花自愛花閒影
嬾向傍人問可宜

嚴生書來寄余新夢

剝啄玉蘭西斜陽鳥亂啼門前尺素書來從餘不谿玉

仍家在谿頭住閒緘遺是嚴生字嚴生數載匿空山露

香何日攜琴至玉仍讀書處名谿香書云避亂自今年東西南北

空憔悴風雨還敲破寺門寒驢真下窮途淚花落才過

舅氏家玉仍舅爲嚴生舅幾回窮紙魂猶悸以茲感憤思夢遊夢

裏同余到石樓青苔滿路行人絕瀑布飛寒古樹秋室

中木榻平如砥無字禪經一千紙壁畫高僧坐石巖瓶

鉢蕭蕭亂雲裏問余歷落彼何人笑言我輩前生是覺

來寫夢西窗雨并入新愁寄潯水嚴生嚴生書辭婉轉

情酸辛道人未是忘情人與君好續三生夢萬壑千巖

更問津

豐詩一 人閒可哀編 九

故紙中忽見余八歲時手書梵冊因讀先人示

語感而成詠

息心菴裏夢初醒二十年前是智齡記得竹牀殘暑後
枇杷樹下教心經余八歲時服闋谷大師錫名智齡

出家又恐話成虛先人示語云自珍重高僧一紙書最

是殺機能戒得滿園秋草不曾除

夢至亂山深處清谿一曲夾岸繁花人曰此紫

谿也

水邊茅屋半漁家撲地紅英竹徑斜他日夢鄉修實錄
道人曾看紫谿花

秋日買武夷山志

城郭人民事事悲秋風秋草正離離名山自料無錢買
隨著新詩到武夷

夢大雪中行匡廬山頂

小窗冷落對殘書竹外空勞問病車一事最奇人不信
夜來踏雪到匡廬

采蓮歸

江上晴峰起暮愁微風吹送木蘭舟可憐兩兩芙蓉蒂
也學鴛鴦只並頭

錢王孫戊子

茗翁錢生世書畫客遊近隱於買者也
生藏錢氏舊譜題詠繁然余爲作錢王孫

錢王孫一船書畫江南村新園銷歇龍巖冷文采風流

豐詩一 人間可哀編

還自尊君到錢塘秋滿窗布帆無恙挂晴江射潮強弩
今何在八月濤聲撼鐵幢鐵幢浦在錢塘候潮門外錢王射潮箭所止處

漫歌一首

樵童剪紙補書籤落葉吟成也教黏詩律慣參無味話
明朝煮筍莫加鹽

選佛場歸獨閉門一鑪柏子老漁村心空及第知何日

風雨聞石畫狀元吳小仙曾賜書此更
印有風雨歸舟圖

雨後

雨歇池塘集暮鴉夕陽秋水共澄華漁童貫鯉攀谿柳
碎子囊螢翦碧紗荷葉風疏涼夜閣枯棹聲斷買晴霞
病夫欲問栽松訣尺牘閑投樵父家

貢子詩三首

少年曾結客晚作樵人裝問余何爲爾蹇劣心自量秋
風響庭樹羣兒戲中堂生子無驕驥不如棄道旁阿奇
得惡札阿辰得健忘阿來爲長兄得余愚與狂也復嗜
禪誦時聞說夢卿客從遠方來呼出裏衣裳行行結襪
係車輪繞中腸問渠都不應羞人時面牆一事歷諸弟
兀坐誠所長貢阿來

童烏侍子雲九歲通太玄王郎讀漢書師古慚精妍阿
辰但覺栗不盡易上篇分爻偷打瓦擲卦戲磨錢裂紙
寫河圖鬱勃誇談天問義百不曉識字忘其偏那知魏
兒戲空及古人年貢阿辰

豐詩一 人間可哀編 士

阿奇鈍隸法握筆不能使清晨投章句流目東西視思
彈畫屏蠅愛破晴窗紙抽簪刻硯陰借筋敲鼎趾黃昏
辭書堂及戶先呼姊燭淚聚城郭粉壁畫弓矢浮圖累
石基祭月陳土簋聯珠讚佛名梵曲巧能似鑑前學家
譙翦紙作桃李設醴詐傾杯藏闔握松子幸託先人廬
篋筍富圖史童心爾如醉家聲誰復起貢阿奇

紀夢遊

夢遊野寺路層層艇子蹢躅攬古藤半江殘日人收網
兩岸鳴蟬正采菱

暑夜憶鹿山草堂

郭西曾作客山夜最難忘野艇維深竹歸樵話夕涼池

神傳飲馬橋古記書堂幾度蒲帆夢翻成憶故鄉

雁字 四首

高秋澹墨落寒閨路轉谿迴望欲迷
殷浩愁心天半度
仲將楷法碧空題寫成紅葉風初緊
賦就長門日正西
繞樹吟魂何處泊白蘋煙霧草萋萋

西風獵獵墨痕飄點染秋空更寂寥
梵影夜飛黃葉寺
迴文曉挂綠楊橋吟斷碧雲愁日暮
夢歸遼水賦魂銷
鯉魚尺素誰還羨一片相思楚塞遙

斜逐西風數點橫倚樓客倦若爲情
攷形似繪悲秋影
測韻應翻變羽聲才鬼魂遊天上去
驚人詩逼華峰行
從來南北傷心語到處模糊寫不明

豐詩一 人間可哀編

七

好借秋空作素練湘江雲斷墨痕添
情深宋玉翻投筆
才盡江郎怕卷簾幾度敲斜風瑟瑟
一行離怨月纖纖
問奇枉載玄亭酒篆勢飄飄未可拈

秋日夢卜何

野渡相逢白苧單滿村黃葉夕陽天
問余舊寄春王辨
袖出新詞漁父篇並記夢
翦燭幾時徵夢識揮毫此日
記於秋帆儘挂潯谿月料得臨池
又借船余書自買
有軍自借船帖

題豐草菴

碧草陰影小廬藏盆秋水鏡紅魚牀
頭一握崩霜劍
題作詩神伴讀書

豐草菴詩集卷一

豐詩一 人間可哀編

七

豐草菴詩集卷二目錄

采杉編

采杉曲 付樵童 豐草菴雜興 憶亡友侯
幾道 焚野人香敬夫坐睡 銅瓶換墨 讀
桂海巖洞志 投客萑蒲飲法 沈石田落花
十圖述 漫興十首 珊瑚枝 招魂曲 首
陽詠 敬夫過塔院訪此山禪師 豐草菴新
聲 浩歌

豐詩二 采杉編目

豐草菴詩集卷二

采杉編

吳興董 說若雨著

采杉曲 庚寅

余出新意采杉膚雜松葉焚之拂拂有清氣

芋衣夜換靈巖史館娃翠蘋花水榭廊屨響梧桐秋
采香涇射香山趾千年唱徹吳宮謠刺杉不賣吹簫市
我家山童徐氏子春風曾擗桃花紙錦囊背冷樵船飛
慟哭空山古香死一瓣拈來豐草菴洞庭落日玻璃紫
付樵僮

護紗箬笠野樵裝馬後曾持古錦囊今日一端還賴汝
刺杉采作野人香

豐詩二 采杉編

豐草菴雜興

藤陰翠落護花籬屋角雲歸度影遲秦吉了誰聽鳥語
磨兜堅又教兒癡占移楓式還名射芽摘茶園正展旗
馬篆學成人莫笑草堂待勒夢鄉碑

憶亡友侯幾道

秋風幾度思疇昔葛衣白鶴江頭客素車白馬滿江南
野渡相看獨愁絕辛巳會弔西銘夫月射生公舊講堂
樽前夜話秋山碧江東獨步謬推賞吳會論文書數尺
先是幾道寄余尺牘有吳雲煙一幅九疑青瀟湘卷入
會論文江東獨步之語
霜藤瀉當時不解暮年悲只把懷賢羨麗詞幾道昔寄
若教續得秋聲賦省卻愁人落葉詩時余作落葉詩三十餘首

焚野人香敬夫坐睡

梅檀篤耨謬奇賞別調野香誰共憐敬夫夢蹋白雲去
閒殺一鑪杉樹煙

銅瓶換墨

斷墨象苔石一片瀟湘青空齋無可遣垂淚向銅瓶

讀桂海巖洞志

瑤簪玉筍拔靈都獨秀峰高石室孤桂海寫將山影去
從今鴈蕩不須圖

棲霞洞口七峰高疊綵巖寒影碧濤底事浮名正相似
北淵洞裏石胡朮

授客菖蒲飲法

豐詩二 采杉編

誰參九節石根禪補入茶經第八篇從此草菴添飲事

菖蒲香惹刺杉煙

沈石田落花十圖述

蝶滿南園花事休山頭雲溼雨初收黃茅亭小江帆遠
石板橋寒谿水流野色春深眠犢草綠陰晴泊釣魚舟
杖藜去問東家客底事堪銷一段愁

第一

傷心南浦賦魂銷只願垂楊學舞腰盡日鳥嘯深竹院
斜陽人過赤欄橋閑愁幾度添新夢野坐無端話六朝
極目水塘春草綠漁船曬網漾春潮

第二

春茶新試陸家經落巖空黏汲水瓶野渡人行還看瀑
江天鶴去但遺翎筆牀冷落愁中賦藥杵丁東竹外亭

指點亂紅飛欲盡隔江依舊數峰青

第三

忍零終不受塵埃一曲清谿兩岸苔
白頭人抱短琴來他時黃葉還添淚此日江南正可哀
結客少年空往事乾坤寥落獨登臺

第四

數聲柔櫓夕陽西萬點桃花野渡迷書畫船移春水綠
故人家近亂鶯曉隔江遠樹愁無數夾岸新楓青滿谿
漠漠晴煙村路盡一閒茅屋板橋低

第五

繞屋飛花滿架書江南三月綠陰初草堂日永呼編帚
柳岸春寒看打魚帖展蘭亭還感慨窗遮枯樹正閑居
竹籬且莫教兒補淨埽門前候客車

第六

雨歇池塘芳樹稀茅亭寂寞綠成圍青山斷處晴雲出

豐詩二 采杉編

三

野鹿聲中瀑布飛關草社開樵客路送春人立釣魚磯
新蒲細柳愁無限宛轉橋通村徑微

第七

遊絲細逐暖風輕冷落殘香墜石枰到處鶯囀催日暮
一谿寒綠正新晴船頭撥棹人沽酒岸上吹簫又賣錫
白髮不禁惆悵意愁吟空繞樹邊行

第八

谿聲歷歷石鄰鄰老眼看花恨轉新日暮愁心江上樹
春風扶杖白頭人誰家院落橫長笛若箇汀洲賦采蘋
拾得殘英獨歸去一甌寒瀑餐茶神

第九

繞谿空有竹千竿猿藉東風春又殘
寒兀江頭新草開蕭條樹裏曲闌干
紅橋隔岸人家少白鷺飛邊釣艇寒
搖落滿園誰復惜明朝卻怕卷簾看

第十